

自衛新知卷六目錄

險要第六

據險

王平議據興勢 張仁愿築三受降城 郭元振實和戎城白亭軍 种世衡城故寬州 劉子

羽保四川 吳玠保和尚原 楊存中不割和尚原 釣魚山

設險

順安軍 滄州 馬燧引晉兵決汾 孟珙障沮漳之水 孟宗政潞水 余闕三塹 魏勝築

城環孤山 李庭芝築城包平山堂（圖六十九、圖七十）

失險

成安君不守井陘之險 諸葛瞻不守東馬之險 慕容超不守大峴之險 梁主不守采石之

險 宋不守關之險 宋不守河之險 宋不守獨松關 周德威不守渝關之險

辨證百金方 險要第六 目錄

自衛新知卷六

惠麓酒民 編次

三素居士 重訂

險要第六

易曰：「王公設險，以守其國」。所謂守者，非特守于城也，必按境內山川形勝，何處可扼要，令重兵屯守；何處可分據，令偏師犄角；何處可伏兵，挫其先鋒；何處可游兵，絕其糧道。以戰爲守，則守固，不可遽閉城隅，自投絕路也。輯險要。

【註釋】○設險，在險要處設防守之具也。○犄角，犄音羈，軍陣分兩面以待敵者，曰

犄角。

據險（可以爲法）

王平議據興勢

曹爽●發卒十餘萬人，自駱口●入漢中●。漢中守兵不滿三萬，諸將皆恐；欲守城不出，以待涪●兵。王平●曰：「漢中去涪垂千里，賊若得關，便爲深禍。今宜先遣劉護軍據興勢●，平爲後拒。若賊分向黃金●，平帥千人下自臨之，比爾間●，涪軍亦至，此計之上也」。諸將皆疑。惟護軍劉敏●，與平意同；遂帥所領據興勢，多張旗幟，綿亘●百餘里。爽兵距興勢，不得進；關中及氐羌，轉輸不能供，牛馬騾驢多死，民夷號泣道路。涪軍及費禕●兵繼至。

太傅懿。與夏侯元。書曰：「昔武皇帝。再入漢中，幾至大敗，君所知也。今興勢至險，蜀已先據，若進不獲戰，退見邀絕，覆軍必矣，將何以任其責！」元懼，言于爽，引軍還。費禕進據三嶺。以截爽，爽爭險苦戰，僅乃得過，失亡甚衆。關中爲之虛耗。

【註釋】①曹爽，三國魏人，字昭伯，爲司馬懿所殺。②駱口，在今陝西藍屋縣西南。魏正始五年，爽伐蜀，率卒從駱口入，敵因山爲固，兵不能進。③漢中，在今陝西省南鄭縣。④涪，今四川涪陵縣。⑤王平，蜀漢宕渠人，字子均，諸葛亮征隴西，平以牙門將屬馬謖，謖違亮旨，大敗，惟平所領獨全，累功封安漢侯。⑥興勢，山名，在今陝西洋縣北。⑦黃金，縣名，在今陝西洋縣東北。⑧比，音便，到也。比爾間，即到那時候也。⑨劉敏，蜀漢泉陵人，爲揚威將軍，與王平鎮漢中。⑩綿亘，延長也。⑪費禕，蜀漢邕人，字文偉，先主時，爲太

子舍人，後主卽位，累功封成鄉侯，甚見推任。⑤太傅懿，卽司馬懿，魏正始五年時爲太傅。⑥夏侯玄，三國魏人，字太初，爲司馬懿所殺。⑦武皇帝，卽魏武帝曹操。⑧三嶺，山名，在陝西省。

張仁愿築三受降城

張仁愿爲朔方總管，朔方軍與突厥，以河爲界。北厓有拂雲祠，突厥每犯邊，必先謁祠禱解，然後料兵度而南。時默啜悉兵西擊突騎施。仁愿請乘虛奪取漢南地，于北河築三受降城，絕虜南寇路。唐休璟以爲兩漢以來，皆北守河，今築城虜腹中，終爲所有。仁愿固請，中宗從之，六旬而三城就。拂雲爲中城，南直朔方；西城南直靈武；東城南直榆林；三壘相距，各四百餘里，其

北皆大磧^①也，斥地三百里而遠。又於牛頭朝那山^②北，置烽候^③千三百所，自是突厥不敢度山^④放牧^⑤，減鎮兵數萬。

【註釋】①張仁愿，唐下邳人，有文武才，爲朔方總管，乘虛取漠南地，築三受降城。

②突厥，種族名。③料兵，清查兵卒也。④默啜，突厥主，繼兄骨咄祿而立，武后時，爲唐擊敗契丹，冊爲立功報國可汗，後屢寇邊，武后怒，改默啜爲斬啜，後爲九姓進卒所殺。⑤唐休璟，唐始平人，名璿，以字行，以儒者號知兵，行師料敵，未嘗敗。⑥中宗，唐高宗第七子，名顯。⑦直，當其地也。儀禮：直東序西面。⑧磧，音積，沙漠也。⑨牛頭朝那山，在今綏遠薩拉齊縣西北九十里，唐張仁愿於此山北置烽候千三百所，自是突厥不得度山放牧。⑩候，土堡也。烽候，設以探敵者也。⑪放，音田，田獵也。

郭元振置和戎城白亭軍

唐郭元振●爲涼州都督。初州境輪廣●，纔四百里；虜來必薄●城下。元振始于南硤口，寘和戎城；北磧寘白亭軍，制束要路，遂拓境千五百里。自是州無虜憂。

【註釋】○郭元振，唐涼州都督。○輪廣，縱橫也，東西曰輪，南北曰廣。○薄，音博，逼近也。

种世衡城故寬州

宋种世衡●爲酈州●從事，夏戎犯延安●。世衡以延安東北二百里有故寬州●，請因廢壘而城之，以當寇衝。左可致河東之粟；右可固延安之勢；北可圖延綏寧夏●之舊；有是三利，朝廷從之。

【註釋】○种世衡，字仲平，宋洛陽人。累官至環慶路兵馬鈐轄，在邊數年，積穀通貨

，所至不煩縣官，善撫士卒，能得人死力。①鄠州，在今河南內鄉縣。②延安，在今陝西膚施縣東南。③寬州，在今陝西膚施縣。④寧夏，今甘肅省寧夏縣。

劉子羽保四川

張浚●敗於富平●，退保興州●，人情大震。官屬有建策徙治夔州者，劉子羽●叱之曰：「孺子可斬也！四州全盛，敵欲入寇久矣。直以川口有鐵山棧道之險，未敢遽窺爾。今不堅守，縱使深入，而吾僻處夔峽，遂與關中聲援不相聞；進退失計，悔將何及。今幸敵方肆掠，未逼近郡；宣司●當留駐興州，外繫關中之望，內安全蜀之心，急遣官屬出關，呼召諸將，收集散亡，分布險隘，堅壁固壘

，觀釁而動，庶幾可補前愆，奈何復爲此言乎？」浚然。子羽言，子羽卽單騎至秦州。召諸亡將。時諸亡將不知宣司所在，及聞命，大喜，悉以其衆來會，凡十餘萬人，軍勢復振。子羽命吳玠聚兵扼險于鳳翔。大散關。東之和尙原，以斷敵來路。關師古等聚熙河兵於岷州大潭；孫偓賈世方等聚涇原。鳳翔兵於階成鳳三州以固蜀口。金人知有備，引去。

【註釋】○張浚，字德遠，宋綿竹人，宋中興四將之一，志在恢復，終身不主和議，功雖不就，人稱其忠。○富平，在今陝西富平縣。○興州，在今陝西略陽縣。○夔州，今四川奉節縣。○劉子羽，字彥修，宋人。○宣司，官名，卽宣慰司，指張浚。○然，以爲是也。○秦州，今甘肅清水縣。○吳玠，字晉卿，宋隴州

人，沈毅有志節，金人入侵，與弟璘，同心抗敵，卒保全蜀。①鳳翔，今陝西鳳翔縣。②大散關，在陝西大散嶺上。③和尚原，在陝西寶雞縣西南。宋紹興初，吳玠大敗金兵於此。④關師古，宋人，張浚部將。⑤熙河，在今陝西商縣東南。⑥孫偓，賈世方，皆張浚部將。⑦涇原，在今甘肅省東。

吳玠保和尚原

張浚合五路兵與金戰於富平，軍遂大潰，五路皆陷，巴蜀大震。玠收散卒，與弟璘●保●散●關●東●和●尚●原●，積●粟●繕●兵●，列●棚●爲●死●守●計●。或謂：「玠宜退屯漢中，扼蜀口以安人心」，玠曰：「我保此，敵決不敢越我而進，是所以保蜀也」。金將烏魯折合●來攻，玠命諸將堅陣待之，更戰迭休●。山谷路狹多石，馬不能行，金人舍馬步戰

，遂大敗遁去。

【註釋】○璘即吳璘，吳玠弟。○烏魯折合，金將，善騎射。○迭休，輪流更替休息

也。

楊存中不割和尚原

金人再入關，議割蜀之和。和尚原以界○之。楊存中○入對曰：「和尚原，隴右○之藩要也。敵得之，則可以睥睨○漢中，我得之，則可以下兵秦雍○，曩議予金人，吳璘力爭不從；今璘在遠，不及知，臣若不言，非特負陛下，亦有愧於璘。近者王師盡銳而後得，願毋棄！」

【註釋】○界，音比，給與也。○楊存中，本名沂中，字正甫，宋人，少警敏，膂力絕

人，忠孝勇敢，大小二百餘戰，身被五十餘創，高宗嘗以郭子儀比之。③隴右，在今甘肅隴坻以西，新彊迪化以東，及青海東北部地。④睥睨，音俾倪，斜視貌。⑤秦雍，今陝西省境。

釣魚山

余玠帥蜀，築招賢館。播州①冉氏兄弟璉璞②，有文武才，詣府上謁。玠賓館之，奉甚厚。居數月，兄弟終日不言，惟對踞以堊③。畫地爲山川城池之形。旬日，請見，屏④人曰：「某兄弟辱明公禮遇，有以少補，非敢同衆人也。爲今日西蜀計，其在徙合州城乎？」玠不覺躍起，執其手曰「此玠志也，但未得其所爾」。對曰：「蜀口地形之勢，莫若釣魚山，請徙諸此。若任得其人，積粟以守之」

，賢於十萬遠矣」。玠大喜築十餘城，皆因山爲壘，綦布星屯，列兵聚糧。於是如臂使指，氣勢聯絡，蜀始可守。

【註釋】○播州，今貴州遵義縣。○冉璉冉璞，宋播州人，兄弟皆有文武才，爲吳玠畫築城釣魚山之策，後果賴之。○罌，音惡，石灰也。○屏，音丙，退也。

設險（可以爲法）

順安軍

宋太宗○時，以陳恕○爲河北東路招寬營田使，大興河北營田。先是雄州○東際於海，多積水，戎人患之，不敢由此路入寇。順安軍至北平二百里，地平廣無隔闕，每歲胡騎多由此而入。議者謂宜度地形高下，因水陸之便，建阡陌，浚溝洫○，益樹五穀，所以實邊

廩而限戎馬，故遣恕往營之。

【註釋】①宋太宗，太祖弟，名匡義。②陳恕，字仲言，宋南昌人，真宗時，拜吏部侍郎，病劇，薦寇準自代。③雄州，今河北保定。④溝洫，田中水道也。

滄州

滄州●北舊多設「陷馬坑」，城下起樓爲斥堠●，望十里。允則云：「南北旣講和矣，安用此爲」？命撤樓夷●坑，爲諸軍蔬園，浚井疏洫，列畦隴，築短垣，縱橫其中，植以荆棘，而其地益阻隘。因治坊巷，徙浮圖●北原上，州民旦夕登，望三十里，下令安撫司●，所治境有隙地，悉種榆。久之，榆滿塞下。顧謂僚佐曰：「此步兵之地，不利騎戰，豈獨資屋材邪！」

【註釋】①滄州，在今河北省南皮縣。②斥堠，偵探敵情之人也。③夷，填平也。④浮

圖，塔也。⑤安撫司，官名。

馬燧引晉兵決汾

唐馬燧●鎮太原，以晉陽●王業所起●，度都城東西，平易受敵。時邊數有警，乃引晉水注城東，瀦●爲池。寇至，計省守陴者萬人。又決汾水●，環城多爲池沼，植柳固堤。

【註釋】①馬燧，字洵美，唐郾城人，學兵書戰策，沈勇多算，圖形凌烟閣。②晉陽，

今山西太原。③王業所起，唐高祖自晉陽起義，遂定天下，故曰王業所起。④瀦

瀦，音豬，水所停也。⑤汾水，即汾河，源出山西寧武縣西南之管涔山。

孟珙障沮漳之水